



partii naleraq

Nuuk, ulloq Marsip 27-t 2017

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

Ippassaq radioaviisimi Naalakkersisuni ilaasortaq Sara Olsvig ilaatigut imatut issuarneqarpoq: - Atorfinni assigiinni suliat assigiit suliarisartillugit, akissarsiat soorunami assigiittariaqarput. Tamannalu ilungersuullugu aaqqiiviginissaa anguniarneqassasoq danskit naalakkersuisunut saaffiginnissutigaa.

Nunatsinni innuttaasunik assigiinngisitsisoqarnera pillugu § 37 naapertorlugu apeqquteqaammut nr 221 Oktobarip arfernanut 2016-mi ullulerneqarsimasumut qanoq naapertuutsigaa?

Apereqqillanga, Nunatsinni sumi inunngorsimaneq/ethnicitet tunngavigalugu innuttaasuni assigiinngisitsisoqarnera (De facto segregation) nunatsinni suli atuuppaa?

(Inatsisartunut Ilaasortaq Per Rosing-Petersen, Partii Naleraq)

Tunngavilersuut:

Pissutsit piviusut aallaavigalugit ammip qalipaataanik/sumi inunngorsimaneq (de facto segregation) aallaavigalugu assigiinngisitsisoqarnerasoq oktobarimi apeqqutinnut (# 221) Naalakkersuisut ippassaq Marsip 22-iani radioaviisimi oqarnerat imminut assortomat, qanoq paasisariaqarnerasoq pisariaqalerpoq. Asuliinnaanngitsumimmi apeqquteqarpunga pissutsit piviusut akuersaarnanngitsut nipangiutiinnarlugit isiginngitsuusaaralarutsigit aaqqinneqarnaviannimmata.

Kakkiussat: Naatsorsueqqissaartarfimmiit maani inunngorsimasut nunattalu avataani inunngorsimasut akissarsiaasa assigiinnginnerat

Kissaatigaara apeqqutikka, suleriaaserput malillugu, ullut qulit iluanni akineqassasut.